



Broj: 05-50-1-2157/14
Sarajevo, 8.5.2014. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 12.05.2014

Organizaciona jedinica	Klasifikaciona oznaka	Redni broj	Broj priloga
01-50-1-15		49	13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 93. sjednici održanoj 8.5.2014. godine, utvrdilo je Odgovor na zastupničko pitanje koje je postavio Mato Franjičević, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2157/13
Sarajevo, 8.5.2014. godine

Mate Franjčević, poslanik u Predstavničkom domu Parlamentarne skupštine Bosne i Hercegovine, na 49. sjednici ovog doma održanoj 08.07.2013. godine, postavio je sljedeće poslaničko pitanje:

„Kako su radovi na rekonstrukciji ceste Livno – Sinj, preko Vagnja, u završnoj fazi i kako se time stječu svi uvjeti da ona i s naše strane granice bude rangirana kao magistralna (s Hrvatske strane je već u rangu državne ceste), te najzad zbog činjenice da će se time dužina puta prema Splitu i srednjoj Dalmaciji s prostora središnjeg i sjeverozapadnog dijela BiH značajno skratiti, držim opravdanim i s gledišta interesa i dobrobiti naših građana nužnim, uspostavljanje odgovarajućeg graničnog prelaza za promet putnika i roba. Stoga predlažem da Vijeće ministara BiH skupa sa drugim mjerodavnim tijelima, uz potrebne bilateralne (RH) i trilateralne (RH i EU) aktivnosti, isto realizira, u poželjno je, što kraćem roku?“

Na postavljeno pitanje, Vijeće ministara Bosne i Hercegovine je na 93. sjednici održanoj 8.5.2014. godine, utvrdilo sljedeći

ODGOVOR

S ciljem rješavanja svih problema nastalih stupanjem na snagu Ugovora o graničnim prelazima i Sporazuma o pograničnom saobraćaju između BiH i Republike Hrvatske, a na osnovu prijedloga Državne komisije za integrisano upravljanje granicom BiH, Vijeće ministara BiH je na 88. sjednici održanoj 19.03.2014. godine donjelo *Odluku o imenovanju predstavnika Bosne i Hercegovine u sastav Mješovite komisije za praćenje provođenja Ugovora između Bosne i Hercegovine i Republike Hrvatske o graničnim prelazima i Odluku o imenovanju predstavnika Bosne i Hercegovine u sastav Mješovite komisije za praćenje provođenja Sporazuma između Bosne i Hercegovine i Republike Hrvatske o pograničnom saobraćaju.*

Takođe, Državna komisija za integrisano upravljanje granicom BiH je putem Ministarstva vanjskih poslova BiH, uputila obavjest nadležnim organima Republike Hrvatske o imenovanju predstavnika Bosne i Hercegovine u sastav Mješovitih komisija, te zatražila što hitnije održavanje sastanka navedenih komisija. Mješovite komisije imaju zadatak da prate provođenje oba sporazuma, te će se njihovim formiranjem pristupiti rješavanju svih pitanja iz oblasti granične i pogranične problematike.